

治氣淋方第六

病源論云氣淋者腎虛膀胱熱氣脹所爲也其狀膀胱少腹皆滿尿澀常有餘瀝是也

治勞淋方第七

病源論云勞淋者謂勞傷腎氣而生熱成淋也腎氣通於陰其狀尿留莖內數起不出引少腹痛小便不利勞倦即發

治膏淋方第八

病源論云膏淋者淋而其○其一本○其作○有肥狀似膏故謂之膏淋亦曰肉淋此腎去不能制其肥液相與小便俱出也

治血淋方第九

病源論云血淋者是熱之甚者則尿血謂之血淋心主血血行身通遍經絡循環府藏勞熱甚者則散失其常經溢滲入胞而成血淋也

治熱淋方第十

病源論云熱淋者三焦有熱氣搏於腎流入於胞而成淋也其狀小便赤澀亦有宿爲淋今得熱而發者其熱則變尿血亦有小便後如豆羹汁狀者蓄作有時

治寒淋方第十一

病源論云寒淋者其病先寒戰然後尿是也由腎氣虛弱下焦受於冷氣入胞與正氣交爭寒氣則戰寒而成淋正氣勝戰寒解故得小便也

〔覆載萬安方二十一〕

諸淋疾世稱消渴則誤渴卒淋消渴即內消小便滑數淋冷淋飲湯水之名也熱淋則數欲小便而澀滯痛也

氣淋 血淋 膏淋 石淋 勞淋

〔病名彙解二〕

淋病リレキヤ小便滴瀝痛ナリ五淋ノ別アリ氣淋血淋石淋膏淋勞淋ナリ各條ニ見ヘタリ